

DATUA

UPNko bigarren zinegotzi hila. Jose Javier Mujika Astibia, ETAk atzo Leitzan hil zuen UPNko zinegotzia, erakunde horrek hiltzen duen alderdi erregionalistako bigarren zinegotzia da. 1998. urteko maiatzaren 6an Tomas Caballero Pastor Iruñeko UPNko zinegotzia hil zuen, buruan tiro eginda.

Hildako hamaikagarren ertzaina. 1982an Ertzaintza sortu zenetik, ETAk 14 atentatu egin ditu polizia autonomikoaren kontra. Atentatu horietan 11 ertzain hil dira, Mikel Uribe ertzain burua barne. Atzokoaren aurretik hildako azken ertzaina Iñaki Totorika izan zen, Hernanin, martxoaren 9an.

HIRU KILO TITADINE

Leitzako atentatuan, ETAk Britainian lapurtutako titadinea erabili zuelauste dute

TIRO UGARI

Leaburun Mikel Uribe ertzainak tiro ugari jaso zituen lepoan eta bularraldean

kalea itxi zuen, leherketaren nondik norakoak aztertzeko. Lehergailua Mujikaren autoko bastidorea eta abiadura-kaxaren artean zegoen jarrita. Bonba hiru kilokoa zen, Espainiako Gobernuak Nafarroan duen ordezkariak emandako lehen datuen arabera. Iturrien horiek esan dutenez, ETAk Britainian lapurtutako titadinez osatua zegoen lehergailua.

Mariano Raxoi Espainiako Barne ministroak, atentatuaren osteko lehen adierazpenetan, ETako *Donostia komandoko* adar bati egotzi zion atentatua.

Eztandaren ondorioz furgoneta erabat kiskalita geratu zen. Inguruko kotxe eta etxebizitzetan ere kalte handiak eragin zituen leherketak. Mujika bera bizi zen etxeko —lau solairuko eraikina— kristal guztiak hautsi ziren eztandaren ondorioz, eta aurrealdea belztuta geratu zen.

UPNko zinegotzia herenegun gauean itzuli zen Leitzara, Fiteroko bainuetxean hiru egun pasa ostean. Atentatuko unean ezkontza bateko bideoa grabatzera zihoan, Leitzara bertan argazki denda batean egiten baitzuen lan. Mujikak ez zuen zaintzailerik, baina zaintza neurri «garrantzitsuak» zituen, ikerketako iturriek Efe berri agentziari esan diotenez.



AMAIA ZABALO

Mikel Uribe zenaren autoa, Zazpi Bide elkartea atzean dagoela.

Auto barruan zegoela tirokatu eta hil dute Mikel Uribe, Leaburun

Larunbatero afaltzen zuen Zazpi Bide elkartean lagunekin

Mikel Arrieta | LEABURU

Mikel Uribe ertzaina eta Gipuzkoako Ikuskaritza Unitateko arduraduna tiroz hil zuten atzo, Leaburun (Gipuzkoa). Mikel Uribek 44 urte zituen, ezkontuta zegoen, eta haur bat zuen. Jaiotzez Leaburuko bertakoa zen, baina egun Legorretan bizi zen.

Uribe oraindik auto barruan zegoela —Land Rover urdin bat— tirokatu zuten, 20:15ean. Oso larri eraman zuten anbulantziak Donostiako Ospitalera; bihotza geldituta zuela iritsi zen, eta mediku

kuek hasiera batean atara bazuten ere, 21:50ean hil zen, Juan Jose Mujika erietxeko gerenteak jakinarazi zuenez. Tiro ugari zituen lepoan eta bularraldean.

Larunbatero egiten ohi zuen bezala, Uribe Leaburuko Zazpi Bide elkartera zihoan lagu-

nekin afaltzera. Leaburuko bizilagunek ezer gutxi ikusi zuten. Zazpi Bide elkarteko kide batek EGUNKARIARI esan zionez, tiroketa bat entzun zen zortziak eta laurden inguruan: «Tiro ugari entzun dira, eta jendea lurrean. Ondoren ez dugu ezer ikusi».

Uribe zenaren kotxea elkarrearen atzealdean aparkatuta zegoen, gisariaren aldameneko leihoa puskatuta zuela.

Ustez Mikel Uribe tirokatu zutenek iheserako erabili zuten autoa, Donostiako matrikulako Renault 19 bat, Tolosako Arramele kalean leherrarazi zuten 21:00etan. Antza denez, joan den urtarrilean lapurtu zuten auto hori, Errenterian.

Tentsioa Leitzako udaletxean

Irene Arrizurieta | LEITZA

EHk 20:00etan deituta udalbatzar berezian tentsio handia izan zen. Gerardo Caballero UPNko zinegotzia izan zen aretora sartzen lehena, eta, hildakoaren mahaian lore sorta utzi ondoren, eseri egin zen. Atzetik Tomas Azpirotz EHko alkatea eta taldeko bost zinegotziak sartu ziren, eta ondoren EAKo hirurak. Artean aretoa komunikabideez, herritarrez eta agintari politikozen mukurua zegoen. Plenoan zen hildakoaren bigarren semea ere, «nahiko lasai». Leitzara bildu ziren UPNko Alberto Catalan, EAKo Jose Maria Aierdi eta Koldo Amezketa, eta EHko Pernando Barrera eta Shanti Kiroga.

EH nagusi den Udalean —6 kide ditu, EAK 3 eta UPNk 2—, alkateak pertsonalki familiari «elkartasun zintzo eta

ATENTATUA GAITZESTEKO UDALBATZA. EHk, EAK

eta UPNk mozio bana aurkeztu zuten, eta oihuak eta irainak izan ziren nagusi plenoan



JOXE LACALLE

Gerardo Caballero UPNko zinegotzia, udalbatzan, hildako kidea oroitzeke lore sortaren ondoan, EHkoek botoa emateko unean.

sentituen» azaldu zion, eta atentatua «deitoratu» zuen. Gero, Leitzako udalbatza osatzen duten hiru taldeen ordezkariak komunikatu bana ira-

kurri zuten. EHk senideei «elkartasuna eta dolumina» azaldu zion, euskaraz. Gertaeran «gatazkaren ondorioak agerian» uzten dituela adierazi zuen.

Jendartean zegoen Pantxa Navarrete UPNko kideak «espainolez irakurri» oihukatu zion behin eta berriro. Alkateak udaletxean beti euskaraz aritzen zirela erantzun zion, baina Navarretek temati jarraitu zuen, eta gaztelaniaz ere egin zuen EHk. Kanpotik etorritako jendeak «sentitzearekin» ez zela nahikoa oihukatu zion EHkoiei.

EAK familiari elkartasuna adierazi, eta ETari «armak uzteko eta desagertzeko» exijitu zion. Azkenik, Gerardo Caballero UPNko zinegotziak oso hunkiturik eta gaztelaniaz atentatua gaitzetsi zuen, eta «Jose Javier Mugika hil arren, haren ideiak eta lanak bizirik» segiko duela esan zuen.

EHko kideak alde egitean, kanpotik etorritako jendea «hiltzaileak, koldarrak» oihukatzen hasi zitzaizkien, hila- ren semeak ixiltzeko eta lasaitzeko esaten zion bitartean.